

玉

海

九十七

玉海卷第一百九十七

浚儀王應麟伯厚甫

祥瑞

植物

瑞穀

神農嘉穀 朱禾九穗 黃帝嘉禾 堯

嘉禾 夏殷嘉禾

禮含文嘉神農就田作耨天應以嘉穀 拾遺記炎

帝敎民耒耜百穀滋阜神芝發其色靈苗擢嘉穎朱

草蔓於階卿雲靄於岩

周書云神農時天雨粟

瑞應圖神農

時雀銜九穗朱禾墜地夏時嘉禾二本同秀殷時嘉禾同本異秀其大盈車 徐整正曆曰黃帝時嘉禾

爲種

帝王世紀堯時嘉禾莖於畝

詩含神霧曰堯

時嘉禾莖三十五穗

晉中興休祥說曰嘉禾者仁

草也夏時異本同穎殷時同本異秀周時三穎同秀

山海經帝之下都崑崙之墟有木禾郭璞曰穀類

也 後魏地形志羊頭山下神農泉北有穀關卽神

農得嘉穀處 宋志王者德盛則二苗共秀於周德

三苗共穗於商德同本異穗於夏德異本同秀 管

仲曰古之封禪鄒上黍北里禾以爲盛 伊尹曰立

山之禾南海之秬不周之粟 孫氏瑞應圖嘉禾五
穀之長王者德茂則生

堯嘉種

詩生民誕后稷之穡有相之道誕降嘉種維秬維秠
維糜維芑箋云天應堯之顯后稷故爲之下嘉種注
秬黑黍秠一稂二米糜赤芑白苗 選張協七命
曰大梁之黍瓊山之禾唐稷播其根農帝嘗其華

周嘉禾 嘉穀

書序唐叔得禾異畝同穎獻諸天子王命唐叔歸周
公于東作歸禾周公旣得命禾旅天子之命作嘉禾

漢書引書逸嘉禾篇曰周公奉鬯立于阼階 史記

韓詩外傳三苗同一秀

唐叔得嘉穀獻之成王 白虎通成王時有三苗異

畝而生同爲一穗大幾盈車長幾充箱民有得而上

之者成王訪周公而問之公曰三苗爲一穗天下當

和爲一乎果有越裳氏重譯而來獻白雉 古文尙

書一隴合爲一穗 尙書大傳三苗貫葉一作貫桑而生

子爲一穗周公曰和氣所生以獻于文王之廟 瑞

應圖三本同穗 孔叢子魏王問子順曰上天神異

后稷爲之下嘉穀周遂以興 詩婁豐年

周黃黎 釐麴

選班固典引姬有素雉朱鳥玄柜黃蓼之事君臣動
色左右相趣亦有寵靈文武貽燕後昆注韓詩外傳
貽我嘉蓼詩臣工於皇來牟將受厥明箋云赤烏
以牟麥俱來思文貽我來牟帝命率育箋火流爲
烏五至以穀俱來

出泰誓

生民麻麥幪幪劉向

傳諸侯和於下天應報於上故周頌曰降福穰穰又
曰飴我釐麴釐麴麥也始自天降此皆以和致和獲
天助也廣韻稌麴之牟一麥二稌周受此瑞麥出
埤蒼

周華黍

詩序華黍時和歲豐宜黍稷也 甫田曾孫之稼如
茨如梁曾孫之庾如坻如京乃求千斯倉萬斯箱黍
稷稻粱農夫之慶 大田多稼 豐年多黍多稌
良耜黍稷茂止穫之挈挈積之栗栗其崇如墉其比
如櫛

漢嘉穀六穗 嘉穀玄稷 嘉禾 秬秠

史記相如封禪書藁一莖六穗於庖

藁瑞禾也

頌曰嘉穀

六穗我穡曷蓄匪惟雨之又潤澤之

漢紀宣帝神

爵元年三月詔曰乃者元康四年嘉穀玄稷

黑粟也降

于郡國 古今注武帝建元四年天雨粟宣帝地節

三年長安雨黑粟元康四年雨黑黍 王褒講德論
甘露滋液嘉禾櫛比 後漢紀光武生於建平元年
十二月是歲濟陽縣界有嘉禾生一莖九穗因名曰
秀明帝永平十一年時麒麟白雉醴泉嘉禾所在出
焉 魯恭爲中牟令建初七年嘉禾生恭便坐廷中
尹以檄勞曰豹產之化流行天降休瑞 古今注和
帝元年嘉禾生濟陰城陽一莖九穗安帝延光二年
六月九真言嘉禾生百十六本七百六十八穗 秦
彭爲潁川太守有嘉禾之瑞 爾雅秬一稔二米郭
璞注漢和帝時任城生黑黍或三四實實二米得黍

三斛八斗 宋志漢元和中秬秠生郡國 秬鬯王者
宗廟修則出

漢野穀旅生

紀建武二年初王莽末天下旱蝗黃金一斤易粟一

斛至於野穀旅生麻菽尤甚 旅寄也不因播種而生故曰旅今字書作糴音

呂古建武五年野穀漸少田畝亦廣焉 論衡建武

三十一年陳留雨穀穀形若苡而黑 宋慶曆六年

十二月渠州言野穀穠生民饑之候也

漢嘉麥 嘉穀

建武中張堪爲漁陽太守開稻田百姓歌曰桑無附

枝麥穗兩岐張君爲政樂不可支南史齊東郡太

守孟業得麥一莖五穗夏采志章帝元和中嘉麥嘉

禾生郡國章紀章和元年詔曰嘉穀滋生改元云

云元和四年見總瑞類典引嘉穀靈草應圖合

謀陳元平源圖三言嘉禾生

漢大有年又見食貨

紀永平九年大有年十年二月詔昔歲五穀登衍今
茲蠶麥善收其大赦十二年歲比登稔百姓殷富粟
斛三十牛羊被野東京賦度秋豫以收成觀豐年
之多稔嘉田峻之匪懈行致資于九扈所貴惟賢所

寶惟穀 唐麟德二年大有年

春秋桓三年冬有年宣十六年冬大有年穀梁傳五穀皆熟爲大有年 公羊傳大有年何以書以喜書也有年僅有年也大有年大豐年也

魏嘉禾

黃初元年郡國三言嘉禾生 曹植魏德論謳曰猗猗嘉禾惟穀之精其洪盈箱協穗殊莖昔生周朝今植魏庭獻之廟堂以昭祖靈 魏都賦雍丘之梁清流之稻 吳黃龍三年夏由拳野稻自生改禾興縣冬十月會稽南始平言嘉禾生十二月改元嘉禾

晉嘉禾 嘉麥 宋嘉禾

宋志晉武太康四年十二月嘉禾生扶風雍五年七月生豫章南昌太康八年閏三月生東夷校尉國九月生東萊掖十年六月嘉麥生扶風一莖四穗又晉起居注武帝元帝世嘉禾三生其莖七穗 義熙十

三年嘉禾九穗 泰始八年十月瀘水胡玉獻嘉禾

晉志正旦大會歌醴泉湧流中唐嘉禾生穗盈箱

應正傳宴射賦詩曰嘉禾重穎冀茲載芬 宋元嘉

二十二年六月嘉禾生藉田一莖九穗二十四年七月乙卯嘉禾旅生華林園及景陽山太尉江夏王義

恭上嘉禾甘露頌昔在放勳曆莢數朝降及重華倚
扇清庖 沈演之上嘉禾頌 梁中大通三年蕭暎
作嘉穀頌 元嘉二十三年醴湖屯生嘉粟一莖九
穗二十五年六月壬寅嘉禾旅生華林園十株七百
穗壬子嘉黍生藉田大明元年嘉禾生清暑殿鴟尾
中一株六莖有贊

唐嘉麥

武德元年五月隴州獻嘉麥六月虞州獻嘉麥一莖
六穗八月永州獻嘉禾異畝同穎二年七月益州獻
嘉禾一莖六穗四年二月肅州獻嘉禾一莖五穎貞

觀二年六月長安獻嘉禾三年十二月潞州獻嘉禾
景雲二年六月洛州言兩岐麥玄宗先天二年八月
懷州言嘉禾四穗開元八年五月平原麥一莖兩岐
分秀九年五月絳州奏瑞麥七莖兩穗一莖四穗十
二年六月乙巳河南告成縣瑞麥生穗分岐一莖三
秀十三年五月甲申瑞麥生河南之壽安 舊紀貞
元五年五月戊辰宋州麥一莖九岐者百餘本三年
閏五月戊午陝虢李泌獻瑞麥一莖五穗 任爰瑞
麥賦隴麥登芳芄芃于野漸漸其秀將嗣穀以登年
豈凌霜而不茂 高敷庭賦芒纖纖而擢隴葉青青

而聳翠凌玉霜而表勁挺金莖而孤直實穎實粟是
崇是奉 含實珠淨耀芒鋒起 詩稱沫北歌述漁
陽 崔融賀嘉麥表纖芒濯露香稼搖風降之自天
何必來牟之詠嘗之于廟先符孟夏之時一穗兩岐
徒說張君之詠十畝千石方輕汜氏之書 郭子儀
奏瑞禾云天啟興王瑞先百穀故漢稱雨粟周頌來
牟 至德二年七月朔方 許敬宗麥秋賦應制對銀
綃而耦稷並金縷而分芒

唐稽稻 再熟稻

紀開元十九年是歲楊州稽稻生

九月乙未任上嘉禾生庚申永康一

藝五
穗

曾要開元十九年四月一日已揚州奏穡生

稻二百一十五頃再熟稻一千八百頃其粒並與常
稻無異代宗永泰元年夏整屋穗麥生 滄州魯城
乾符元年生野稻水穀二千餘頃 林邑國稻歲再
熟

唐潞州嘉禾合穗

見十九瑞

唐豫州嘉禾 嘉禾圖

乾元元年五月十九日代宗立為皇太子生之歲開元

十四年十月 豫州獻嘉禾於是以為祥更名豫五月

更

會要元和七年十一月梓州言

東川潘陽秦龍川界

武安縣

嘉禾生有麟食之每來一鹿引之羣鹿隨之使

畫工就圖之并嘉禾一函以獻

柳宗元賀幽州華

州嘉禾圖表六穗稱於漢臣異畝書於周典貞元二

十一年七月又賀劔南成都進嘉禾圖陝州紫芝草

表獻於王庭唐叔慚同穎之異薦諸郊廟班史謝連

葉之奇既呈薺薺之祥更覩煌煌之秀 潘炎嘉禾

合穗賦雙米一稔孤莖六穗 韓愈奏汴州嘉禾云

兩根並植一穗連房 獨孤及賀潞州芝草嘉禾表

庶政方又一瑞薦臻唐叔之獻齊房之歌古今同契